

S' ARTI DE FUTEI





Terras de Marmilla, Linas e Campidanu

Progetu finantziau cun su dinai de sa Regione Autònoma de Sardigna
cunformas o sa L. 482199 e L.R. 22/2018. Annualidadi 2023



FULVIO PINNA



Fulvio Pinna, pintori e scultori est nàsciu a Futei (SU) in su 1948. Stùdiat filosofia, psicologia, pedagogia, stória e arti e in su 1970 pigat su diploma po imperai. In su 1971 presentat sa primu ammosta de pintura e, a pustis de su serbítziu militari, fundat in Sardigna su primu atelier cosa sua e aparíciat su “Teatro della Commedia Sarda” cumenti autori e atori.





Intra de is atividadis suas nci funt: in su 1973 unu quadru “Omaggio a Alexander Solschenizyn”; in su 1975 studiat impari a Moschino in s’académia de sa moda a Roma; in su 1976 partítzipat a s’ “Esposizione Internazionale dei giovani artisti romani e parigini” in su “Palazzo delle Esposizioni in Roma” e bincit su primu prémiu de pintura; in su 1977 bincit su “Premio Perseo” a Firenze; in su 1978 bincit su “Premio Sironi” a Milanu. Partítzipat a ammostas medas cumentis sa “1° Antologica” in sa galleria Boccioni de bia Brera in Milanu, una a “Villa Adriana” a Tivoli apitzus de su tema de Augusto Imperatore, una in su pàtiu de su Palazzo Nixdorf-Siemens in Berlinu. In su 1985 donat unu císini de bronzu po sa funtana de Futei.



In su 1987 trasladat a Berlinu e fundat unu atelier de pintura e scultura e in su 1988 partítzipat a su programma artísticu in s' àmbitu de "Berlino, capitale della cultura europea".

In unu atóbiu cun su Papa Giovanni Paolo II dd' arregallat unu quadru a ollu cun sa Madonna chi si agatat in sa colletzioni de arti de sa Citadi de su Vaticanu.





In su 1989 est in Berlinu candu nd'est arrutu Su Muru chi dd'at ispirau po realizai sa pintura a friscu de 52 metrus cuadraus "Inno alla gioia", una de is òperas suas prus de importu, dd' ant posta a sa "Eastside Galerie" de su Muru de Berlinu, cumentu únicu artista italianu. In su "Maerkische Museum" ant postu su quadru "9 novembre 1989" e una scultura de brunzu "Il sacrificio del Muro".





In su 1994 disinnat sa scultura “Sofia” po su “Premio della critica” de is giornalista italianus a sa Berlinale (Premio Bacco), bintu in su tempus de artistas de fama internatzionali cumentu Sofia Loren, Claudia Cardinale, Giuliano Gemma, Alain Delon, Gudrun Landgrebe. De annus meda disinnat su prèmiu “Ciao Italia” a Berlinu e intra de is premiaus nci funt Stefania Sandrelli, Ornella Muti, Marcello Lippi e àterus medas.

Fait óperas po su grupu Fiat e Nixdorf Siemens.

In su 2005 cuncordat un’ ammosta manna po is 15 annus de s’arruta de su Muru de Berlinu in su museu Genna Maria de Biddanoa de Forru.

Sa fama si ammànniat candu incarrerat a trabballai cumentu modellu e atori po film e pubblicitadis cun s’ agenzia Dee Bee Phunky de Berlinu. Fiat giai connotu po ai trabballau po Siemens, Mercedes, Unicredit Bank, Pagine Gialle (Gelbe Seiten), Marie Claire, Gala, Carlsberg, Mefisto, Maxim, Dressler.

